

ხელშეკრულება N48

სახელმწიფო შესყიდვის შესახებ
(ელექტრონული ტენდერი SPA240000145)

ქ. თბილისი

27 თებერვალი 2024 წ.

საქართველოს სახელმწიფო უსაფრთხოების სამსახურის სსიპ - საქართველოს ოპერატიულ-ტექნიკური სააგენტო
(მის: ქ. თბილისი, პეტრე ქავთარაძის ქ. N21გ, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 205339141), შემდგომში წოდებული „შემსყიდველად“, წარმოდგენილი სააგენტოს უფროსის პირველი მოადგილის ბაკური ელისაშვილის სახით და

მიმწოდებელი: შ.პ.ს. „ტელკო სისტემსი“; საიდენტიფიკაციო კოდი: 205203279

იურ.მისამართი: ქ. თბილისი, ვაკის რაიონი, ნუცუბიძის ქ. №221, კორპ. 1ა, ბ. 33.

ტელ: 599 44 22 99, ელ. ფოსტა: ig@telco.ge

დირექტორი: ირაკლი გულიაშვილი

საბანკო რეკვიზიტები: ს.ს. „თიბისი ბანკი“; ბ/კ: TBCBGE22; ა/ა: GE75 TB40 2153 6020 1000 06

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დოკუმენტაცია“ - მიმწოდებლის მიერ SPA240000145 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 წინამდებარე ხელშეკრულების დანართი N1-ით განსაზღვრული საქონლის (CPV- 32552100) შესყიდვა.
- 2.2 ხელშეკრულების დანართი N1-ით განსაზღვრულია შესასყიდი საქონლის დასახელება, ტექნიკური მახასიათებლები, განზომილების ერთეული, რაოდენობა, ერთეულის ღირებულება, ჯამური ღირებულება, საგარანტიო ვადა, მიწოდების ვადა და მიწოდების ადგილი.

3. ხელშეკრულების ღირებულება

- 3.1. ხელშეკრულების ღირებულებაა: 1732.00 (ათას შვიდას ოცდათორმეტი) ლარი.
- 3.2. ხელშეკრულების ღირებულება მოიცავს საქონლის ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3. მხარეთა ვალდებულებები

4.1. მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულების დანართ N1-ში მითითებულ ვადებში და ადგილზე;
- ბ) გადასცეს შემსყიდველს უფლებრივად და ნივთობრივად უნაკლო საქონელი;
- გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

4. ხარისხი

- 5.1. მიწოდებული საქონლის ტექნიკური მახასიათებლები უნდა შეესაბამებოდეს ხელშეკრულების 2.2. პუნქტით განსაზღვრული დანართ N1-ში მითითებულ მაჩვენებლებს და ხარისხი - დადგენილ სტანდარტებს.

5. ხელშეკრულების შესრულების კონტროლი და საქონლის მიღება-ჩაბარების წესი

- 6.1. შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.
- 6.2. *ხელშეკრულების პირობების შესრულების კონტროლსა და საქონლის ტექნიკურ დათვალიერებას განახორციელებს სსიპ - საქართველოს ოპერატიულ-ტექნიკური სააგენტოს ადმინისტრაციის საფინანსო-სამეურნეო უზრუნველყოფის სამმართველოს ლოჯისტიკის განყოფილების უფროსის მოადგილე მამუკა გოგაშვილი (მისი არ ყოფნის ან მოვალეობის სხვაგვარად შეუსრულებლობის შემთხვევაში ამავე განყოფილების უფროსი გიორგი წიკლაური), ხოლო საქონლის მიღება-ჩაბარების აქტის გაფორმებას განახორციელებს ამავე განყოფილების სასაწყობო ქვეგანყოფილების შესაბამისი უფლებამოსილი პირი.*
- 6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. წუნდებული საქონლის აღმოჩენის შემთხვევაში, მიმწოდებელი ვალდებულია წერილობითი შეტყობინებიდან **5 (ხუთი)** დღის განმავლობაში გამოასწოროს წუნი. ობიექტური მიზეზით წუნის გამოსწორების შეუძლებლობისა და შემსყიდველის მიერ მოწოდებული საქონლის ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული საქონლის ღირებულება.
- 6.4. თუ ამ მუხლის 6.3. პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.
- 6.5. შემსყიდველი უფლებამოსილია განაცხადოს უარი უხარისხო (წუნდებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.
- 6.6. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 6.7. ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელება.
- 6.8. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

6. ანგარიშსწორება

7.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევნი დოკუმენტაციის (საგადასახადო ანგარიშ-ფაქტურა, სასაქონლო ზედნადების) გამოწერიდან/წარმოდგენიდან **10 (ათი)** სამუშაო დღის განმავლობაში, ხოლო იმ

შემთხვევაში თუ მიმწოდებლის მიმართ გამოყენებული იქნება მე-9 მუხლით განსაზღვრული საჯარიმო სანქციები, მიმწოდებლის მიერ აღნიშნული საჯარიმო თანხის გადახდიდან **10 (ათი) სამუშაო დღის** განმავლობაში.

7.3. დაფინანსების წყარო - 2024 წლის სახელმწიფო ბიუჯეტის სახსრები.

7. ხელშეკრულების შესრულების შეფერხება

- 8.1. ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.
- 8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

8. ხელშეკრულების პირობების შეუსრულებლობა

- 9.1. წინამდებარე ხელშეკრულების 2.2 პუნქტით გათვალისწინებული **დანართი N1-ით განსაზღვრული** საქონლის მიწოდების ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ ვადაგადაცილებულ დღეზე მიუწოდებელი ან/და წუნდებული საქონლის ღირებულების **0.02%-ის** ოდენობით;
- 9.2. იმ შემთხვევაში თუ 9.1 პუნქტით გათვალისწინებული დარღვევებისათვის ვადაგადაცილებული დღეების რაოდენობა გადააჭარბებს 30 კალენდარულ დღეს, შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ღირებულების **5%-ის** ოდენობით.
- 9.3. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 9.4. შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის, სრულად შეუსრულებლობის ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის ოდენობით**.

9. ხელშეკრულებაში ცვლილებების შეტანა

- 10.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.
- 10.2. წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10. დავების გადაწყვეტა

- 11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
- 11.2. თუ მოლაპარაკებების დაწყებიდან **5 (ხუთი) დღის** განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით გადაწყვეტაზე, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

11. ხელშეკრულების შეწყვეტა

- 12.1. შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.4 პუნქტით გათვალისწინებული საჯარიმო სანქცია. აღნიშნულის შესახებ შემსყიდველი წერილობით აცნობებს მიმწოდებელს.
- 12.2. შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.
- 12.3. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
- 12.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12. ხელშეკრულების მოქმედების ვადა

13.1. წინამდებარე ხელშეკრულება ძალაში შედის ხელშეკრულების გაფორმებიდან და მოქმედებს **2024 წლის 31 მაისის ჩათვლით**.

13. ფორს-მაჟორი

- 14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 14.2. წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 14.3. მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. სხვა პირობები

15.1. ხელშეკრულება შედგენილია ქართულ ენაზე და დამოწმებულია ელექტრონულად.

15. მხარეთა რეკვიზიტები

შემსყიდველი

სუს სსიპ - საქართველოს ოპერატიულ-ტექნიკური სააგენტო
მის: ქ. თბილისი, პეტრე ქავთარაძის ქ. N21 გ
ტელეფონი: 2 41 25 37
საბანკო რეკვიზიტები:
სახელმწიფო ხაზინა, კოდი TRESGE22
ს/კ: 205 339 141

მიმწოდებელი

შ.პ.ს. „ტელეკო სისტემსი“
იურ. მის: ქ. თბილისი, ვაკის რაიონი, ნუცუბიძის ქ. N°221, კორპ. 1ა, ბ. 33.
ტელ: 599 44 22 99, ელ. ფოსტა: ig@telco.ge
საბანკო რეკვიზიტები:
ა/ა: GE75 TB40 2153 6020 1000 06
სს „თიბისი ბანკი“ ბ/კ: TBCBGE22
ს/კ: 205203279

სუს სსიპ - საქართველოს ოპერატიულ-ტექნიკური სააგენტოს უფროსის პირველი მოადგილე

შ.პ.ს. „ტელეკო სისტემსის“ დირექტორი

ბაკური ელისაშვილი

ირაკლი გულიაშვილი

დანართი N1

ფასების ცხრილი

N	დასახელება	ტექნიკური მახასიათებლები	განზომილების ერთეული	რაოდენობა	ერთეულის ღირებულება (ლარი)	ჯამური ღირებულება (ლარი)	საგარანტიო ვადა	მიწოდების ვადა	მიწოდების ადგილი
1	voip ტელეფონი (With PSU)	POE IP ტელეფონი, GIGABIT პორტებით, (კვების ბლოკით) მთავარი ეკრანი: 320X240 2.8 ინჩიანი ფერადი ეკრანი; DSS key-mapping: 320X240 2.4 ინჩიანი ფერადი ეკრანი; ფერი: შავი; ხაზის დილაკი: 3; DSS დილაკი: 30; SIP ხაზები: 12; აუდიო კონფერენცია: 6- მხრივი; ზარების ისტორია: 1000; ადგილობრივი ტელეფონების წიგნი:1000; IPv6: დიახ; HD აუდიო: დიახ, ფართოზოლოვანი კოდეკი: G.722, Opus; Bluetooth: Bluetooth USB adapter-ის საშუალებით; WiFi: WiFi USB adapter-ის საშუალებით; პორტები: 2x 10/100/1000 Mbps; PoE: დიახ; EHS ყურსასმენის მხარდაჭერა: დიახ; Asterisk ლათფორმასთან თავსებადი. მწარმოებელი ქვეყანა- ჩინეთი, მწარმოებელი კომპანია - Fanvil Technology Co., Ltd (Fanvil), მოდელი - X4U .	ცალი	2	215	430	2 (ორი) წლიანი საგარანტიო ვადა, გარანტიის ათვლა დაიწყება მიღება-ჩაბარების აქტის გაფორმებიდან.	ხელშეკრულების გაფორმებიდან 20 კალენდარული დღე.	ქ. თბილისი, ვაჟა-ფშაველას გამზ. N72

2	voip ტელეფონი (IP Phone Black) + 5V 1A (Power Supply)	POE IP ტელეფონიფერადი ეკრანით (კვების ბლოკით) ოპერაციული სისტემა: Linux; მთავარი ეკრანი: 320×240 2.4" ფერადი ეკრანი; უკანა განათება: კი; ხაზის დილაკი: 3; DSS დილეები: 3, SIP ხაზები: 4; აუდიო კონფერენცია: 6- მხრივი, ზარების ისტორია: 600; ადგილობრივი ტელეფონების წიგნაკი: 1000; დისტანციური ტელეფონის წიგნაკი: 1000; Action URL / URI: კი; HD აუდიო: კი; ფართოზოლოვანი კოდეკი: G.722, Opus; ვიწროზოლიანი კოდეკი: G.711a/u, G.726, G.723.1, G.729A/B, iLBC; პორტები: 2X10/100Mbps; PoE: კი; EHS ყურსასმენის მხარდაჭერა: კი; Asterisk პლატფორმასთან თავსებადი. მწარმოებელი ქვეყანა- ჩინეთი, მწარმოებელი კომპანია - Fanvil Technology Co., Ltd (Fanvil), მოდელი - X303P .	ცალი	10	130.20	1302.00			
სულ ჯამი:							1732.00		